

CLASSIS DECIMA,

DE

OLEIS COCTIS,

Compositis & Simplicibus, Oleis per
deliquium, destillatis & expressis.

OLEA COCTA.

OLEUM ACOUSTICUM AMBRATUM.

- ℞. Millepedum vivorum
Cœparum ana unciam unam,
Fellis carpiionum recentis
Herbæ rutæ recentis
Majoranæ recentis
Radicis cyclaminis ana unciam semis,
Hellebori albi
Castorei ana drachmam unam,
Styracis drachmas duas,
Crocii austriaci drachmam semis,
Olei amygdalarum amararum uncias sex,
Formicarum
Nardini ana uncias quatuor,
Coquantur in
Vini generosi libra semis
Ad consumptionem humidi, colaturæ addantur
Olei anisi
Anthos ana drachma semis,
Ambra scrupuli duo,
Præparatur etiam sine ambrâ.

212 CLASSIS DECIMA.

*In surditate, auditus gravitate, & tinnitu conductu,
aurium apostemata rumpit, & ulcera manantia curat.*

OLEUM ARANEARUM.

℞. Olei nymphææ

Lumbricorum terrestrium ana uncias sex,
Hyperici uncias duas,

Foliorum rutæ

Florum sambuci ana recentium unciam unam,
Aceti rosacei

Calendulæ ana uncias tres,

Araneorum crassarum numero quadraginta quinque,
Decoquantur omnia ad humidam consumptionem, co-
lentur, & exprimantur, in colatura infundantur rur-
sus

Araneæ crassæ numero viginti quinque,

Camphoræ drachma semis,

Digerantur, colentur, & fervetur usui.

*In febribus malignis & petechiis regio cordis & ar-
teria ad malignitatem evocandam iliniuntur.*

OLEUM DE CAPPARIBUS.

℞. Corticis radicum capparum uncias tres,

Tamarisci

Foliorum tamarisci

Seminis agni casti

Ceterach

Cyperii rotundi ana drachmas sex,

Rutæ drachmas tres,

Misceantur contusa, & irrorentur aceto, tum ad-
dantur

Olei olivarum libræ tres,

Coquantur ad consumptionem humidam, colentur, &
exprimantur.

Obstrac-

CLASSIS DECIMA. 213

Obstructiones lienis, ejusque duros & scirrhusos tumores tollit.

OLEUM CASTOREI.

- ℞. Castorei unciam semis,
Styracis calamitæ
Gummi galbani
Euphorbii
Cassie lignæ veræ
Crocii austriaci
Opopanax
Cubebæ
Spicæ nardi indicæ
Costi ana drachmas duas,
Cyperii rotundi
Schænanthi
Piperis longi
Nigri
Herbæ sabine
Radici pyrethri ana drachmas duas semis,
Irrorentur vini generosi sufficienti quantitate, tum addantur
Olei libræ tres,
Et in vase benè clauso per aliquot dies calore arenæ digerantur, dein coletur oleum.

Cerebri, nervorumque affectibus frigidis, tetano, paralyti, convulsionibus, tremori, rigori que febrili subvenit, spinâ dorsi illinitâ.

OLEUM DIACOLOCYNTHIDOS.

- ℞. Olei absynthii
Rutæ
Fellis bubuli ana uncias quatuor,
Pulpæ colocynthidos
Helle-

Hellebori nigri ana unciam unam ,
Coquantur ad humidi consumptionem , & , lege ar-
tis , coletur oleum .

*Umbilico illinitum alvum adstrictam solvit , vermes pa-
riter necat & subducit .*

OLEUM GONZAGIANUM.

℞. Florum sulphuris uncias tres ,
Myrrhæ rubræ
Mumiæ veræ ana unciam unam ,
Axungia serpenti unciam unam semis ,
Indantur vasi vitreo , & affundatur oleum terebinthi-
næ ad trium digitorum eminentiam addendo
Olei benzoë destillati drachmas duas ,
Stent per octiduum in digestionem , dein forti expressio-
ne coletur , & fervetur oleum .

*In contusionibus , iisque affectibus , ubi sanguis extrava-
satus stagnationem procuravit , resolvit , digerit , & ad
circulationem reducit .*

OLEUM HABACUCINUM.

℞. Herbæ absynthii recentis
Tamarisci
Scolopendrii ana uncias duas ,
Radici dictamni albi
Gentianæ ana uncias tres ,
Amygdalarum amararum
Nucleorum persicorum ana unciam unam semis ;
Seminis cynæ
Herbæ corallinæ ana uncias quatuor semis ,
Colocyntidos
Corticum aurantiorum
Citri ana unciam unam ,
Succi absynthii

Citri

Citri

Aceti fortis ana uncias quatuor semis,
Incisa misceantur, & macerentur per aliquot dies,
dein addantur

Olei olivarum libræ quinque,

Fellis taurini numero tria,

Bulliant ad consumptionem humiditatis, dein admif-
ceantur

Picis navalis libra semis,

Aloes succotrinæ uncia duæ,

Theriacæ andromachi drachmæ decem,

Olei spicæ uncia una semis,

Petræ uncia quatuor,

His benè solutis & digestis coletur oleum.

*Hoc oleo inuncta regio umbilicalis atrovum reddit lubri-
cam, vermes necat & expellit.*

OLEUM HEPATICUM RUBRUM.

℞. Herbæ hepaticæ nobilis

Matrifylvæ

Euphrasæ palustris cæruleæ

Florum papaveris erratici ana unciam semis,

Rosarum rubrarum unciam unam,

Herbis sine stipitibus addantur

Radicis anchusæ incisæ & vino irroratæ uncia duæ
semis,

Infundantur in

Olei olivarum libra una semis,

Dein addatur

Santali rubri pulverisati, prius per noctem in ac-
to vini infusi, uncia una semis,

Fricentur in sartagine super ignem, & coquantur,
fiatquè expressio per linteum.

*Inflammationem hepatis mediante inunctione potenter
minuit.*

OLEUM

216 CLASSIS DECIMA.

OLEUM AD HERNIAS.

℞. Lacertarum vivarum numero quadraginta,
Lumbricorum terrestrium recentium libram unam,
Asellorum recentium uncias tres,
Florum chamæmeli
Sambuci ana unciam unam,
Coquantur ad consumptionem humidi cura
Axungie urfi libris duabus,
Exprimantur fortiter, dein addantur
Olei ovorum uncie tres,
Et fervetur usui.

Quod herniosis summe proficuum est. . .

OLEUM HYPERICI.

℞. Florum hyperici ad maturitatem seminis fere accedentium contusorum libras tres,
Crocii austriaci scrupulos quatuor,
Olei clari libras tres,
Macerentur, tum bulliant ad humidi consumptionem,
& postea exprimantur, expressum, lege artis, commisceatur cum
Terebinthine claræ libra una,
Et fervetur usui.

Dolores arthriticos, podagricos, ischiaticos & varicosos calefaciendo mitigat, nervis & epilepsia subvenit, vulnera glutinat, & cicatrizat.

OLEUM LACERTARUM.

℞. Olei nucum juglandium recenter expressi libras tres,
Quibus immergantur
Lacertarum viridium numero viginti quinque,
Suffocentur, & stent per tempus in digestionem solis calore, tum coquantur.

Sivumis

CLASSIS DECIMA. 217

*Strumis, scrophulis & herniis resolvendis conducit;
capillos quoque auget.*

OLEUM MASTICHINUM AUREUM.

- ℞. Herbæ rutæ
Menthæ hortensis
Abrotani
Menthæ faracenicæ ana recentium uncias duas,
Spicæ indicæ unciam semis,
Olei olivarum libras tres,
Incisa coquantur ad humiditatis consumptionem, in
colatura dissolvatur
Mastichis electæ libra semis,
Dein reiteratæ colaturæ post refrigerationem addatur
Olei destillati nucis moschatae
Caryophyllorum
Macis
Menthæ ana drachma semis,
Cinnamomi scrupulus unus,
Misceantur, & servetur oleum usui.

*Ventriculum & intestina calefacit, concoctionem pro-
mouet, tormina quoque in diarrhæis salubriter mitigat.*

OLEUM NARDINUM COMPOSITUM.

- ℞. Spicæ indicæ uncias tres,
Herbæ majoranæ uncias duas,
Radiciis enulæ
Calami aromatici
Cyperis rotundi
Macis
Foliorum lauri
Schænanthi
Cardamomi ana unciam semis,
Contusa misceantur, & affundantur
Vini albi uncia octo,

E e

Post

218 CLASSIS DECIMA.

Post aliqualem macerationem cum
Olei olivarum libris sex
Lege artis, oleum excoquatur, & coletur.

*Cerebri & nervorum affectibus subvenit, ventriculum
roborat, concoctionem promovet, & thoracis ac pulmo-
num ulceribus medetur...*

OLEUM SAMPSUCHINUM, SIVE MAJORA-
NÆ COMPOSITUM.

℞. Foliorum majoranæ uncias duas,
Serpilli unciam unam,
Myrti unciam semis,
Menthæ aquaticæ
Abrotani ana drachmas duas,
Cassiæ lignæ veræ uncias duas,
Olei olivarum libras tres,
Concisis & contusis affundatur oleum, & vase benè
clauso, solis aut alio calore macerentur per octiduum,
dein exprimantur.

*Cerebro & nervis prodest, paralyti & convulsionibus
medetur, spinâ innectâ; menses, secundinas & partus
promovet, uteri suffocationi, & scorpionum moribus opi-
tulatur..*

OLEUM SCORPIONUM MAGNUM.

℞. Summitatum hyperici recentium libram semis,
Herbæ scordii recentis drachmas sex,
Calaminthæ
Cardui benedicti ana recentium unciam semis,
Coquantur concisa in
Olei olivarum libris tribus
Ad humidi consumptionem, in colatura infundantur
contusa grosso modo
Radiciæ zedoariæ

Dictamni

Dictamni albi
 Gentianæ
 Aristolochiæ rotundæ ana drachmæ tres,
 Cinnamomi drachmæ sex,
 Schænanthi
 Croci austriaci ana drachma una,
 Baccarum juniperi
 Styracis
 Benzoes
 Myrrhæ
 Theriacæ
 Mithridatii ana uncia semis,
 Scorpionum vivorum numerò trecenti,
 Macerentur vase probè clauso, postea coletur, &
 lege artis, exprimatur oleum.

*In febris malignis, peste, ejusquè bubonibus, ni
 & morsu animalis venenati prodest hoc oleum, si morsui
 & bubonibus, in prioribus verò, si pulsibus, cordi &
 temporibus illiniatur.*

OLEUM SCORPIONUM SIMPLEX.

℞. Scorpionum vivorum numerò centum,
 Olei amygdalarum amararum libras duas,
 Macerentur in vase vitreo benè clauso per mensem
 loco calido, tum colentur, & oleum servetur usui.

*Alexipharmacum depradicatur pulsibus & cordi illi-
 nitum, urinam verò, calculumque petit regioni renum,
 vesica & pubis illinitum, quamvis pro hoc ultimo affectu
 à quibusdam etiam interne adhibeatur.*

OLEUM SEPTEM FLORUM.

℞. Florum violarum
 Sambuci
 Rosarum

E e z

Chamæ-

220 CLASSIS DECIMA.

Chamazmeli

Liliorum alborum

Verbasci

Malvæ arboreæ rubræ ana recentium libram
semis,

Infundantur singuli flores suo tempore in

Olei olivarum libris sex,

Digerantur tam diu, donec omnes flores suo tempore collecti fuerint, ut perfecta maceratio fiat, de hinc simul fiat decoctio ad humidi consumptionem, & peractâ forti expressione habebitur oleum.

Anodinum depradicatur, capitis dolores, phrenesin & vigilias fronti & temporibus impositum mitigat, hypochondriorum, ventriculi, coli & uteri tensiones relaxat, pleuritidi, tabi & hellicæ medetur. . .

OLEUM STOMACHICUM,

℞. Gummi mastichis uncias tres,

Tacamahacæ

Ladani ana uncias duas,

Styracis unciam unam,

Vini generosi libram semis,

Olei absynthii libras tres,

Stent in digestionem per viginti quatuor horas, dein coquantur, colaturæ addatur

Olei nucis moschatæ expressi uncia una semis,
Et fervetur usui.

In doloribus ventriculi, flatibus & consimilibus affectibus prodest.

MU OLEUM VIRIDE.

℞. Herbx & radicis valerianæ recentis

Cardui benedicti recentis

Numulariæ recentis

Betoni-

Betonicæ

Anethi

Summitatum hyperici cum floribus

Centaurii minoris cum floribus

Tritici

Baccarum juniperi veridium ana uncias duas,
Incisa & contusa suo tempore infundantur in
Vini albi libris sex,

Dein addantur

Olei olivarum libræ duodecim,

Et coquantur ad consumptionem humiditatis, cola-
turæ admisceantur invicem soluta

Olibani electi

Mastichis ana libra semis,

Terebinthinæ claræ libra una,

Et sic paretur oleum.

*Ad contusiones, obstructionsquæ resolvendas externo, pul-
monum aliorumquæ viscerum exulcerationes interno usû
celebratur.*

DE OLEIS COCTIS SIMPLICIBUS PROSTANT :

Oleum Abrotani,

Absynthii,

Anagallidis,

Anethi,

Chamæmeli,

Cheyrinum,

Consolidæ majoris,

Cydoniorum,

Euphorbii,

Formicarum,

Irinum ex radice & floribus,

Liliorum alborum,

Lumbricorum terrestrium,

Oleum

Oleum Majoranæ,
 Mastichis,
 Menthæ,
 Momordicæ,
 Myrtillorum,
 Nymphææ,
 Palmarum,
 Ranarum,
 Rosarum,
 Rutæ,
 Sambuci,
 Saniculæ,
 Spermatis Ranarum,
 Tamarifci,
 Verbasci,
 Violarum.

Parantur hæc olea simpliciter, lege artis, cum oleo olivarum, & virtutes simplicium in se continent.

OLEA PER DELIQUIUM.

OLEUM MYRRHÆ.

℞. Myrrhæ pulverisatæ quantum lubet,
 Imponatur albumini ovi costi adhuc calido, & reponatur in cellam ad liquefcendum; vel: mixta cum eodem albumine myrrha reponatur supra tabulam vitream, ut liquefcatur, & destilletur in vitrum suppositum.

Cuius maculas, & luis venerea stigmata abstergit.

OLEUM TARTARI.

℞. Tartari calcinati, vel salis tartari quantum placuerit,
 Fluat per manicam hippocratis loco humido, & sic paratum est oleum.

Digerit

Digerit, incidit & apperit, hinc hypochondriacis & nephriticis salutare.

OLEA DESTILLATA.

OLEUM ABROTANI.

℞. Summitatum abrotani ad feminis maturationem accedentium, quantum placet, incidantur, contundantur, & cum aqua tepida infundantur, inspergendo falis communis quantum satis, stent in olla bene tecta per aliquot dies ad macerationem, tum destillentur per vesicam, & prodibit oleum cum aqua, à qua oleum separetur;

Eodem modo parantur:

- Oleum Absynthii,
- Chamæmeli,
- Chærefolii,
- Hyssopi,
- Lavendulæ,
- Majoranæ,
- Melissæ,
- Menthæ,
- Origani,
- Pulegii,
- Rorismarini,
- Rosarum verum,
- Rutæ,
- Sabinæ,
- Salviæ,
- Satureiæ,
- Serpilli,
- Spicæ,
- Tanaceti,
- Thymi.

OLEUM

OLEUM AMMONIACI GUMMI.

℞. Gummi ammoniaci libram unam,
 Silicum calcinatorum libram unam semis,
 Destillentur per retortam vitream in arena, liquore se-
 parato, oleum, quod prodiit, lege artis, rectificetur.

Simili Processu destillantur :

Oleum Benzoes,

Galbani,

Fuliginis,

Mastichis,

Myrrhæ,

Olibani,

Opopanacis,

Picis,

Pini,

Sagapeni,

Styracis,

Succini albi,

Citrini.

OLEUM ANETHI EX SEMINE.

℞. Seminis anethi libras sex,
 Contusa infundantur aquâ fontanâ ad aliqualem ma-
 cerationem, additâ salis communis sufficienti quan-
 titate, destilletur per vesicam, &, lege artis, oleum
 feparetur.

Pari modo solent destillari :

Oleum angelicæ ex semine,

Anisi ex semine,

Carvi ex semine,

Coriandri ex semine,

Cumini ex semine,

Fœniculi ex semine,

Oleum

Oleum juniperi ex baccis,
 Lauri ex baccis,
 Nigellæ ex femine,
 Petroselini ex femine.

OLEUM ANTIMONII.

Idem est quod butyrum antimonii.

OLEUM AURANTIORUM è CORTICIBUS.

℞. Corticum exteriorum de pomis aurantiis recentium
 & non putridorum quantum placet,
 Incidantur, & absquè maceratione, quæ quidem co-
 piosius, sed deterius oleum suppeditaret, cum aquæ
 fontanæ sufficienti quantitate destillentur per alembi-
 cum, & oleum, lege artis, separetur.

Tali modo Paratur

Oleum Citri è corticibus.

OLEUM BUXI LIGNI.

℞. Buxi ligni raspati quantum placet,
 Destilletur per retortam, separetur oleum à spiritu,
 & rectificetur.

Hac methodo destillantur:

Oleum guajaci ex ligno ejus,
 Juniperi ex ligno.

OLEUM CALAMI AROMATICI.

℞. Radicum calami aromatici quantum lubet,
 Incidantur & aliquamdiu in aquæ fontanæ sufficienti
 quantitate macerentur, dein per alembicum conve-
 nienti igne destillentur, &, lege artis, oleum se-
 paretur.

F f

Parifor-

226 CLASSIS DECIMA.

Pariformiter parantur :

Oleum cardamomi,
Caryophyllorum,
Cinnamomi,
Cubebæ,
Ligni rhodii,
Ligni sassafras,
Macis,
Nucis moschatæ,
Piperis,
Zedoariæ.

OLEUM CAMPHORÆ.

℞. Camphoræ libram semis,
Argillæ libram unam semis,
Miscantur exactè, & in arena leni igne per retortam destillantur, ubi cum phlegmate ascendens oleum, lege artis, separetur. Paratur pro usu externo etiam oleum camphoræ ex camphora soluta in oleo amygdalarum dulcium.

OLEUM CARMINATIVUM.

℞. Olei destillati seminis cumini unciam unam,
Fœniculi
Anisi
Carvi ana drachmas duas,
Anethi
Corticum aurantiorum
Chamæmeli ana drachmam unam,
Miscantur, & usui ferventur.

Hystericas, melancholicas, & hypochondriacas passiones tollit, flatus discutit, dolores quoque ventriculi & intestinorum sedat.

OLEUM

OLEUM CERÆ.

℞. Cerae flavæ puræ libram unam,
 Arenæ mundæ libras tres,
 Mixta liquefiant, & formentur in globulos, indantur retortæ, dein destillentur, tandem additione cinerum, vel offium calcinatorum rectificetur per retortam, &, lege artis, separetur oleum.

Tali norma paratur:

Oleum saponis.

OLEUM CORNU CERVINI.

℞. Cornuum cervi in frustra concisorum quantum placet,

Imponantur retortæ terreae recipiente vitreo munitæ, & igne aperto per gradus ad ignitionem usquæ aucto phlegma, sal volatile, oleum & spiritus eliciatur, quæ omnia rectificando successivè oleum, lege artis, separetur.

Eadem methodo destillantur:

Oleum cranii humani,
 Lumbricorum,
 Sanguinis humani,
 Serpentum,
 Viperarum,
 Ungulæ alcis.

OLEUM GALBANETUM PARACELSI.

℞. Gummi galbani libram unam,
 Olei terebinthinæ claræ libras tres,
 Misceantur, digerantur, & destillentur per retortam, destillato addatur

Olei lavendulæ destillati uncia una,

F f 2

Et

Et seruetur usui.

Cephalicum est, & antinephriticum, contracturis quoque medetur.

OLEUM LOIMICUM.

℞. Olei destillati camphoræ
Succini
Citri ana unciam unam,
Misceantur pro usu.

Virtutes hujus olei in peste tanquam specificò experientissimi depradicit Heimsius.

OLEUM PHILOSOPHORUM, SEU DE LATERIBUS.

℞ Laterum grosso modo contusorum & ignitorum quantum placet,
Olei olivarum, quantum lateres imbibere possunt,
Ex retorta igne aperto per gradus aucto, lege artis, destillentur, oleum prodiens super cineres rectificetur.

Ad lienis tumores resolvendos, paralysim, asthma, & suffocationes hystericas conducit.

OLEUM SATURNI.

℞. Salis saturni cristallini uncias octo,
Immitantur phiolæ, & affusis
Olei terebinthinæ claræ libris duabus
Digerantur in arena, tincturaque extrahatur, quæ ex retorta igne aperto destilletur, leni in principio igne, donec spiritus terebinthinæ prodierit, mutetur dein recipiens, & ignis, lege artis, augeatur per gradus, usque dum totum oleum exierit.

In cancriosis, exadentibus & malignis ulceribus commendatur.

OLEUM

OLEUM SULPHURIS.

℞. Spiritus sulphuris destillatio continuetur, ubi ultimâ ignis torturâ oleum prolicietur, advertendo, ut quando spiritus rubeus, id est: oleum venire incipit, prior spiritus antea separetur.

In peste, astmate & pectoris affectibus conducit.

In hunc modum etiam paratur:

Oleum vitrioli.

OLEUM TARTARI FÆTIDUM.

℞. Tartari albi puri crassiusculè confracti, quantum placet,

Immittatur in retortam vitream, cujus tertia pars vacua maneat, collocetur in arenam, recipiente sat capaci adaptato & probè lutato, ignis per gradus successivè intendatur, usquè dum spiritus instar nebularum cum oleo egrediantur, separentur invicem per filtrum prius aquâ humectatum, & super cineres, lege artis, rectificetur oleum.

Oleum tartari pariter haberi potest ex fœcibus, dum sal volatile tartari præparatur.

OLEUM TEREBINTHINÆ.

℞. Terebinthinæ lucidæ quantum lubet, in

Aquæ fontanæ larga quantitate
Destillentur ex vesica lento igne, & prodibit phlegma cum oleo, quæ, lege artis, ab invicem separentur.

Cuncta hæc olea destillata simpliciora principalis sui virtutes secumferunt.

OLEA

OLEA EXPRESSA.

OLEUM AMYGDALARUM AMARARUM.

℞. Amygdalarum amararum non rancidarum, quantum placet,
Contundantur minutissimè, dein exprimantur.

Oleum hoc attenuat, digerit & incidit, aurium tinnitum, cutis maculas & asperitates tollit, in stranguria & vermibus pubi illinitur.

OLEUM AMYGDALARUM DULCIUM.

Fit eodem modo, quo præcedens, sine igne.

Internè recens expressum & non rancidum sumitur in pleuritiide, nephritide, colica, stranguria, rancedine, ruffi, aliisque pectoris affectibus, tormina puerperarum & recens natorum sistit, adhibetur & in clysteribus ad album solvendam & inveteratas fæces emolliendas.

OLEUM HYOSCIAMI SEMINIS.

℞. Seminis hyosciami quantum placet,
Contundatur parum, torretur & fortiter exprimatur.

Ad dolores sistendos dilaudatum est anodinum.

Eodem modo exprimuntur :

Oleum seminis cannabini,
Seminis lini,
Seminis papaveris albi,
Seminum quatuor frigidorum majorum,
Seminis fefami,
Seminis sinapis,

Et ex aliis feminibus.

Quæ olea virtutes simplicium emulantur,

OLEUM

CLASSIS DECIMA. 231

OLEUM NUCLEORUM PERSICORUM.

℞. Procedatur hoc oleum exprimendo, uti cum amygdalis factum.

Aurium, hamorrhoidumquè dolores & tumores tollit, assumptum colica medetur.

Tali etiam modo parantur:

Oleum nucum avellanarum,
Nucum juglandium,

Quorum virtutes sunt discutientes, colicam sistentes, & cutaneos nevos abstergentes.

OLEUM NUCUM MOSCHATARUM.

℞. Nucum moschatarum quantum lubet,
Optimè contundantur, tum vino calido irrorentur,
ex quibus dein, dum adhuc calent, lege artis,
oleum exprimatur.

Ventriculum inunctum roborat, frigidam & humidam ejus intemperiem corrigit, genitalibus illinitum venerem stimulare perhibetur.

OLEUM OVORUM.

℞. Ovorum recentium, quantum placet,
Coquantur, donec penitus indurentur, dein vitelli
ex iis eximantur, & comminuti lentissimè assentur
in sartagine, donec granulescant, tunc adhuc fer-
ventes & forti sacco inclusi exprimantur, ut oleum
prodeat.

Convenit in ambustis, herniis, fissuris labiorum, papillarum, manuum, pedum, ani, & doloribus hamorrhoidum, ad fovendas variolantium explendas cosmeticum quoquè dicitur.

CLAS-